



Partido Electoral di Pueblo (MEP)
Atencion sr. J. Arends
Santa Cruz 74-D
Aruba

Oranjestad, 4 di september 2009
CBB 46-09/LdS/Im

Asunto: grupo "milicia" den campaña electoral

Apreciable sr. Arends,


Pa medio di esaki Comision Bon Boluntad (CBB) ta desea di solicita bo atencion pa un fenomeno cu ta surgiendo ultimamente, unda cu tin grupo ta presenta nan mes como "milicia" di partido MEP, y cu na varios ocasion ta cana bisti den trahe di camuflahe militar. Varios biaha e grupo a ser señala na evento politico, unda nan ta percursa pa un aspecto cu pa varios persona ta menos agradable y hasta amenazante.

CBB no ta al tanto kico e relacion exacto di e grupo aki ta cu partido MEP, pero en general ta desea di remarca cu nos comunidad no ta sirbi cu aparicion di grupo di e indole aki, ya cu nos conoce nos cuerponan uniforma cu ta responsable y capaz pa mantene orden riba henter e teritorio di nos isla. Mescos cu nos no ta aprecia cu paz y tranquilidad ta ser stroba pa gang di hoben cu ta aporta na un clima di inseguridad, tampoco e mesun tension aki mester ser causa pa grupo di otro ciudadano.

CBB ta spera cu partido MEP, sigur como partido politico cu experiencia cargando responsabilidad gubernamental, sa di evalua e situacion aki na manera debido y lo percursa pa su bon number no keda atacha atraves di un relacion cu grupo di cual nan intencion no ta cuadra cu loke den nos comunidad ta ser considera aceptable. Tambe esaki naturalmente cu vista riba e ultimo simannan prome cu fecha di eleccion, unda dimes caba lo por tin un situacion di mayor tension entre simpatizante di diferente partido.

Agradeciendo di antemano pa bo atencion y sperando un respuesta positivo,

Atentamente,
Na number di Comision Bon Boluntad


Ireño Valdes
Vice-presidente